

欽定四庫全書

普濟方卷一百二十三

傷寒門

傷寒運氣精華圖說

傷寒五運六氣歌

甲乙土運乙庚金丁壬木運盡成林丙辛水運分清

濁戊癸南北火焰侵

明 周王朱櫛 撰



傷寒六氣歌

子午君火少陰心丑未脾土太陰存寅申少陽相火
位卯酉陽明屬燥金己亥厥陰風木是辰戌太陽寒
水侵天地六氣自然在數支上排仔細看

傷寒逐年五運歌

大寒木運始行期清明後二火運居芒種後三土運是立
秋後四金運推立冬後五為水運周而復始萬年餘
六氣相移換而不株守其位每年如此

傷寒逐年六氣歌

大寒厥陰氣之初春分君火二氣居小滿少陽分三
氣太陰大暑四氣符秋分陰明為五氣大陰小雪六
之餘

傷寒逐年主氣歌

初氣逐年木主先二君三相火排連四金是土常為
主五氣金星六水天

傷寒逐年客氣歌

每年退二是客鄉上臨實數下臨方初中六氣排輪
取主客興衰客弱強

假令癸丑年司天退二辛亥是也厥陰風木為初
之客氣也子為二之氣丑為三之氣寅為四之氣
卯為五之氣辰為六之氣是也

傷寒逐日受病起例歌

年年逐日是司天前三司地順排連陽前陰後加人
命數到司天見病源司地位上分前後支屬陰陽仔

細看却將本命依前取輪至病日是其端

假令戊寅生人甲子日得病子日即是司天前進
三辰數至卯上是司地卯日是陰支退一位從寅
上數本命寅順行至司天位上見子是少陰天字
第一證甲子號下藥

假令丁酉生人辛亥日得病辛是水運厥陰司命
辛亥日是陰日第五宮是卯便從卯上將本命丁
酉順數至司天亥上見巳是厥陰證少得病日為

主便將五子元運歌訣云丙辛之歲庚寅是就寅
上加庚字順數到亥上見巳字亥乃厥陰風木巳
是太陰濕土汗差歌云木土丙辛之日差

假令戊戌生人壬子日得病是少陰司天壬子日
是陽日順數三宮至寅便從寅上將本命戊戌順
數至司天上見申是申是少陽證第一日膽少陽
受病為主二日傳未太陰脾土少陽相火火生土
歲邪當先補心瀉脾三日傳至午少陰火前少陽

三焦亦是火當解心經四日傳至巳厥陰木三焦
火木生火為虛虛邪當稱斫瀉心而愈五日傳至
辰為太陽水三焦是火水客剋為客勝主其人危
困或死

假令巳亥生人癸丑日得病屬太陽司天癸丑是
陰日順數至第五宮是巳便從巳上將本命亥順
數至司天丑上見未太陰證便念傷寒歸號歌云
太陰丑母用心精母字號下第一證乙字號藥桂

桂主之餘放此

又起例歌

素問運氣是根基當日陰陽用意推陽三陰五加行
順加臨人命在于期又將十干加命上數到司天病
總知良工若還明此法何憂道藝不精奇

假令庚子生人甲寅日得病是少陽司天甲寅是
陽日從寅上順數第三宮是辰將本命庚子順數
至司天寅上見戌是太陽證便用甲寅起五子元

運歌甲巳之年丙作首數到人命寅字上見丙是
小腸屬火逢水汗出第三日丙辰丙是水運是小
差日第七日寅申相冲庚是金運金生水汗出子
時一刻或三刻餘倣此

傷寒逐日受病捷法起例歌

子午之日起寅申丑未之日巳亥親寅申辰戌常須
記巳亥卯酉不虛陳此是六氣捷訣法辰戌子年正
相因若要傷寒傳六氣司天前後起三辰此法與前

相同

傷寒五運受病歌括起例

甲巳化土未為期乙庚金運酉中知丙辛水運從子
上丁壬木運卯中隨戊癸火運元居午五運皆同旺
處推丑命生人子日病順數見年少陰居假令丑命
人甲子日病使用司天歌念甲巳化土未為期丑加
未上順數到司天位上見午字即是少陰君火證也
餘倣此例其病熱氣蒸口燥咽乾煩悶又如甲子日

得病甲巳土運從未上加人命順數到子見見午以
得病日為主使用五子元運歌訣順推甲巳之年丙
作首遂就寅上加丙字順數到午位得庚午庚本屬
大腸燥金午為少陰君火金火相尅宜瀉苦補辛
傷寒求司天司地歌

司天司地隔三位陰陽上下總堪推後學醫流如曉
得逐年病體見根基假令癸丑年太陰濕土司天前
三位太陽寒水司地

傷寒求司天司地司人法

當日日辰名司天司天前三辰名在泉為司地左右
間氣名司人

傷寒求左右間氣歌

未日司天天地真間氣須憑左右分中文午上標兩手
日前三位在泉應相冲隔位名足脈明者須知動靜
形端明此法通神聖隔簾診線謾聲吟

傷寒求太過不及平氣歌

子午寅申是太過卯酉巳亥不及名辰戌丑未為平
氣此是地支取用精

傷寒六氣所屬歌

辰戌行太陽膀胱及小腸卯酉陽明金大腸胃中尋
寅申少陽膽三焦本自兼丑未太陰居脾肺總不虛
少陰行子午心腎南北都已亥厥陰木肝與胞絡屬
傷寒地支所屬歌

子為足少陰腎水湧泉深午為手少陰君火配屬心

丑足太陰脾土能主四肢未手太陰肺金商毛髮皮
寅手少陽火三焦相安坐申居少陽膽火亦居左卯
于陽明金大腸未可侵酉為足陽明榮育土堪任辰
乃足太陽膀胱水可量戌為手太陽小腸胃中藏巳
木手厥陰安居包絡心亥足厥木肝臟配如今

傷寒十二支所屬臟腑歌

子中正者膽為頭丑位生肝寅肺流卯上太陽辰主
胃巳為脾統午心頭未上小腸同主命血脈膀胱主

在猴酉腎戌肥傳注處亥上三焦是地頭

傷寒十干所屬歌

甲膽乙肝丙小腸丁心戊胃巳脾膀庚屬大腸辛屬
肺壬是膀胱癸腎堂

檢卷歌

上二中三四等句第五傳流到卯寅六亥子丑分三
證便是陰陽活法人

又曰

上二中三四為傳少陽陽明第五遊厥陰少太尋第
六霍亂勞傷七為周

普濟方卷一百二十三

欽定四庫全書

普濟方卷一百二十四

明周王朱楠撰

傷寒門

歌

定數歌括

甲一乙二丙三在丁四戊五己六鄉庚七辛八壬屬

九癸十論流坎地行

傷寒平氣歌 己酉辛猪乙卯春坤元己未丑中因火
運癸巳加臨定六氣不及平氣生戊戌辰年庚子對庚
寅反得配庚申六陽太過還平氣相反陰陽子細尋
傷寒五運所屬歌括 戊亥午申皆是火己寅屬木未
酉金子辰水位丑卯土萬兩黃金學也輕

傷寒天符例 司天與運同 是名天符星

假令戊子日戌為火運子為火氣只是天符此日
病者因半也 傷寒歲會例 運與支同是也

識傷寒鈴法歸號總例歌括

上陽日月辰巳宮中陽午上起貪星下陽子震兌
離坎陽明卯木順相連逢申便是勞復證寅上須
安霍亂名寅申少陽紀一證太陰丑毋用心精少
陰子陡天人地瘞亥暘卯濕未乘若問厥陰歸號
處乾坤巳亥亦分明調理傷寒真妙訣萬兩黃金
價也輕

傷寒鈴法着病字號歌括

日月俱為上太陽日三月六各分張貪巨祿文廉
武破六十六法屬中陽震離兌坎三十九此訣名
為下太陽陽明木火土金四十四證中五行藏紀屬
少陽只一證太陰三法母身傍少陰子起天人地
二十三種是尋常乾坤厥陰一十九霍勞各六莫
輕忘五疇三濕亦六就中子細為消詳陽證一百
六十六陰證四十五條章仲景元來為此數總于
前證盡包藏後學若還通此法強如端坐檢名方

瘧濕暍脈病證治法

瘧五證

瘧甲

發熱無汗反惡寒剛瘧應從表實者鬱熱感寒筋強直
葛根湯下便能安

瘧乙

發熱汗出不惡寒此名柔瘧亦難安表虛感濕太陽病
之葛根劑或枝煎

日月俱為上太陽日三月六各分張貪巨祿文廉
武破六十六法屬中陽震離兌坎三十九此訣名
為下太陽陽明木火土金四十四證中五行箴紀屬
少陽只一證太陰三法毋身傍少陰子起天人地
二十三種是尋常乾坤厥陰一十九霍勞各六莫
輕忘五暘三濕亦六就中子細為消詳陽證一百
六十六陰證四十五條章仲景元來為此數總于
前證盡包箴後學若還通此法強如端坐檢名方

瘧濕暘脈病證治法

瘧五證

瘧甲

發熱無汗反惡寒剛瘧應從表實者鬱熱感寒筋強直
葛根湯下便能安

瘧乙

發熱汗出不惡寒此名柔瘧亦難安表虛感濕太陽病
之葛根劑或枝煎

瘧丙

太陽發熱為表病其脈還當大且浮今反沉細名曰瘧
瓜蒌桂枝湯可投

瘧丁

太陽之病發汗多致令陽微筋不和不必盡因寒濕得
小續命湯用之瘧

瘧戊

身熱足寒頭項強面赤目赤證非常有時頭熱還搖動

有時口噤背反張其脈沉遲并延細治法還宜承氣湯

濕六證

濕甲

太陽關節痛而煩脈細沉時作濕看小便不通大便快
但當利水五苓煎

濕乙

濕家體色似薰黃身熱而痛豈可當此是濕家脾色現
便宜梔子柏皮湯

濕丙

背強頭汗欲得衣膈間滿噦小便稀渴而不飲口中燥亦須還用五苓醫

濕丁

下之額上汗微微小便利而喘者危下利不止亦死證麻黃加朮頗相宜

濕戊

發熱身疼面色黃喘而頭痛脈猶強病在頭中寒濕重

瓜蒂如神搗鼻良

濕己

一身盡痛不能移發熱日晡所劇時此是風濕脈沉細麻黃薏苡甘草醫

暍三證

暍甲

太陽身熱惡寒時汗出還教渴不支此因中熱名為暍人參白虎用之宜

暍乙

太陽發熱脈微弱身痛而重最難當此由夏月傷冷水
五苓瓜蒂並稱良

暍丙

發熱惡寒身重脈來痛遲沉細而弦灑然毛聳小便後
手足逆冷自生寒小有勞時身即熱口開而喘齒痕乾
汗下濕針俱不可清暑益氣法東垣
上太陽脈病證治法

十六證

日甲

陽浮陰弱衛中強身熱還教汗不藏嗇嗇惡寒翕翕熱
鼻鳴乾嘔桂枝湯

日乙

太陽頭痛熱烘烘汗出之時又惡風榮衛調和邪亦解
桂枝湯裏有奇功

日丙

太陽為病項背強凡汗出之時又惡風桂枝葛根湯可
主祛風和表亦為功

日丁

太陽之病本屬表誤下還令氣上衝可與桂枝湯解外
裏虛須綆變而通

日戊

太陽三日已發汗若吐若下若溫針不解相將成壞證
桂枝不中再思尋

日己

桂枝湯本為解肌藥酒客不喜桂枝湯喘家却須加朴
杏吐者服之膿血傷

日庚

發汗之餘漏不乾小便澀閉屈伸難桂枝附子湯煎療
斂液回陽病即安

日辛

下之脈促胸間滿煎與桂枝去芍食此是陽虛表漸入

散邪通氣始能安

日壬

太陽脈促客邪干下後陽虛更惡寒桂枝湯中除芍藥却加附子一枚煎

日癸

發熱惡寒脈更微此時吐下汗皆非有熱無汗身應痒桂枝麻黃各半宜

月甲

先服桂枝煩不解風池風府刺之安太陽經病風邪泄再與桂枝愈弗難

月乙

桂枝服後形如瘧大汗之餘脈更洪桂枝二與麻黃一解散寒邪榮衛通

月丙

桂枝汗後更煩渴脈大而洪亦可危散熱生津和表裡人參白虎療之宜

月丁

發熱惡寒太陽病熱多寒少脈尤微此證無陽何可汗
桂枝越婢按方施

月戊

頭項強痛身發熱雖經汗下邪又結心下滿痛蕪停飲
桂枝去桂加苓朮

月己

脈浮自汗小便數筋急心煩虛證多反與桂枝攻其表

得之便厥可如何煩燥咽乾并嘔逆乾薑甘草劑調和
厥愈足溫當益血芍藥甘草治其疴胃氣不和或譫語
調胃承氣用之瘥若更燒針重發汗四逆湯煎慎勿和
中太陽脈證治法

六十六證

貪甲

太陽中風項背強無汗惡風几几搖解表葛根湯可治
微汗之時病即消

貪己

太陽陽明合病攻裏虛寒甚客胸中陰性下行必自利亦與葛根主治同

貪丙

太陽合病與陽明有時但嘔不下痢邪氣相干氣不和葛根湯加半夏治

貪丁

太陽病本桂枝證醫反下之利不止喘而汗出蕪脈促

葛根苓蓮湯止此

貪戊

無汗而喘復惡風痛連骨節及腰中寒則傷榮宜發汗速用麻黃大劑攻

貪己

太陽合病與陽明喘而胸滿氣難平此非表實不可下麻黃解表效偏靈

貪庚

十日以外脈浮細嗜臥之時病漸降胸滿腹痛柴胡服但浮不細與麻黃

貪辛

發熱惡寒脈浮緊身疼不汗燥而煩大青龍湯餌之愈一服汗者止後煎

貪壬

脈浮而緩身不痛身重乍輕兼中風更無發吐利證如妙青青龍大劑攻

貪癸

表未解時水氣佇嘔而發熱嗽聲聲水寒相搏因傷肺小青龍劑療之平

巨甲加減小青龍

利減麻黃休發汗芫花逐水善停停渴者而煩除半夏却入瓜蒌津液生噎者去麻加附子小便不利加茯苓喘腫麻黃亦不用杏子仁添補肺經此是小青加減法隨時消息要分明

巨乙

衛強榮弱證如何脈弱而浮表未和縱日久時須汗解
桂枝湯劑療其疴

巨丙

太陽未解下之早微喘應知氣不舒可與桂枝湯解表
更加朴杏逆方除

巨丁

表邪未解汗偏宜誤下須知是逆施欲解肌時微發汗

妙劑還當用桂枝

巨戊

發汗不解復下之脈浮反下亦非宜初來本是柴胡證
今與桂枝且解肌

巨己

發熱身疼汗又無脈浮而際表未除服藥微除還見血
宜與麻黃湯劑扶

巨庚

脈浮而數法當汗發熱身疼屬太陽灑洒惡寒邪在表
麻黃湯劑用之良

巨辛

脈浮傷衛數傷榮榮衛之邪表病明速餌麻黃湯發汗
莫教深入別傳經

巨壬

自汗之時榮氣和風邪客衛汗尤多桂枝與服風邪散
榮衛和諧病得瘥

巨癸

中風臟亦無他證時時發熱汗尤多裏和表病汗之愈
宜與桂枝湯劑和

祿甲

傷寒在表脈緊浮不發汗時致衄流邪擁於經因迫血
麻黃湯劑療之瘳

祿乙

傷寒不便六七日有熱頭疼可下之小便清時還發汗

頭疼而衄桂枝宜

祿丙

發汗身涼為已解却纔半日又增煩脈浮而數邪猶在
更用桂枝湯則安

祿丁

已經汗下猶眩燥夜靜晝煩表裏虛脈更沉微無太熱
乾薑附子最相須

祿戊

發汗之後身疼痛脈沉遲者榮血傷可與桂枝湯作主
新加參芍與生薑

祿己

汗後不可用桂枝汗出而喘表邪為麻黃杏草石膏劑
以散其邪正合宜

祿庚

發汗過多心下悸其人叉手自冒心此是陽虛氣不足
桂枝甘草劑宜斟

祿辛

汗後其人臍下悸陰邪上逆作奔豚茯苓桂枝棗湯煎療
降腎滋脾效莫倫

祿壬

發汗之餘腹脹滿內無津液客邪侵降氣和脾通壅滯
厚朴薑甘半夏參

祿癸

吐下表虛作頭眩心中逆滿氣冲胸更教誤汗身搖振

术甘苓桂奏奇功

文甲

發汗不解反實寒得之應作表虛者芍藥甘草與附子
榮衛調和病即安

文乙

汗下交攻試問賢其邪猶在燥煩傳茯苓四逆湯能治
診更精微證下愆

文丙

發汗惡寒是表虛但熱還因裏未除調胃承氣湯宜服
泄實中中病可除

文丁

汗餘煩渴胃中乾胃氣和時病即痊若更脈浮與有熱
服下五苓津液還

文戊

脈浮而數表邪干汗後重教渴且煩和表五苓兼潤燥
調和榮衛治何難

文己

汗出而渴用五苓汗而不渴費調停茯苓甘草湯宜用
解表衛和津液生

文庚

中風發熱六七日不解而煩表裏兼渴飲水漿還欲吐
是名水逆五苓譜

文辛

傷寒發汗吐下後反覆虛煩不得眠劇者心神顛倒甚

速將梔子豉湯煎

文壬

汗下之餘卸不散胸中空塞熱而煩可用梔子豉湯吐邪散熱除病必安

文癸

傷寒誤下五六日心中結痛客邪為身熱不去虛煩甚梔子豉湯急吐宜

廉甲

下之腹滿又心煩臥起都教得不安泄滿吐煩君記取山梔厚朴劑宜煎

廉乙

丸藥下之熱不去正氣損兮邪氣留熱在胸中煩不解乾薑梔子劑宜投

廉丙

汗而不解熱難除汗出過多陽氣虛心悸頭眩身振振須憑真武妙湯扶

廉丁

汗家不可重發汗心虛恍惚亂而煩小便已時陰內痛
補心通水禹餘丸

廉戊

下之清痛利和穀陰盛陽微邪又牽救裏先須投四逆
攻邪然後桂枝煎

廉己

發熱頭痛脈反沉不差遍體痛難禁此為裏症虛寒甚

救裏宜煎四逆散

廉庚

汗出少氣時發熱此是榮虛併衛強好與桂枝湯解散
調和榮衛即安康

廉辛

傷寒中風五六日寒熱往來胸不舒嘿嘿不欲思食食
心煩而嘔費躊躇邪初入裏無定處或為之症更難拘
隨時加減宜詳慎和中解表小柴胡

廉壬

邪正分爭結脇下寒熱因之自往來有時默默仍加嘔
愈病良方用小柴

廉癸

身熱惡寒頭項強脇滿口渴手足溫此名半表半裏證
小柴胡劑莫因循

武甲

陽瀋陰弦內有寒腹中急痛建中餐不差亦是柴胡證

去苓加芍治之安

武乙

傷寒得病二三日欲傳未傳氣血虛心悸而煩先建裏
小建中湯主治須

武丙

誤下曾經十餘日鬱鬱微煩嘔不安心下急時因胃熱
大柴胡劑愈何難

武丁

傷寒不解十三日嘔而脇滿本柴胡醫施丸藥非其治
潮日重發日晡熱已更加微下利此是邪乘腸胃虛
先與小柴湯解表後入芒硝胃熱除

武戊

傷寒不解又過經讖語方知有熱蒸自利脉和為內實
胃間客熱用調承

武巳

其人熱結在膀胱下血宜先解表涼外已解時少腹急

更用桃仁承氣湯

武庚

下之不解胸滿煩驚而讖語小便艱一身盡重難轉側
龍骨柴胡牡礪安

武辛

傷寒腹滿讖語時寸緊而浮肝乘脾木行乘土名縱脈
當刺期門慎勿遲

武壬

發熱惡寒自汗出大渴腹滿小便通肝來乘肺名橫脈亦刺期門便見功

武癸

脈浮火迫必驚狂起臥不安耗損陽去芍桂枝加蜀漆牡蠣龍骨救逆湯

破甲

針處被寒因起核必發奔豚氣上衝灸其核上各一壯桂枝加桂便能通

破乙

火逆復下及燒針煩燥之時不可禁桂草龍骨牡蠣劑大邪解散斂真陰

破丙

太陽過經十餘日心下溫溫欲吐之腹滿便溏煩鬱痛此證柴胡湯亦宜若經吐下傷胃氣但欲嘔時便可知當與調胃承氣劑下其胃熱復何疑

破丁

太陽中風病不解熱結膀胱欲發狂小便自利小腹鞭
畜血須知用抵當

破戊

脈沉而結病身黃小便不利茵陳湯便利如狂血證諦
抵當湯用瀉之良

破巳

傷寒有熱少腹滿小便不利今反利有血當為畜積時
抵當九子下之離

普濟方卷一百二十四

欽定四庫全書

普濟方卷一百二十五

明 周王朱橚 撰

傷寒門

訣

三十九證

震甲

結胸之病項且強其形亦如柔瘰狀邪結胸中俛仰難

陷胸丸子除悽愴

震乙

頭疼發熱惡寒時表未解而反下之痞鞭心胸反之之
陷胸湯下亦相宜

震丙

結胸湯寒六七日脈緊而沉心下堅熱實按之如石硬
陷胸湯劑更宜煎

震丁

傷寒熱結十餘日水在胸中脇下滲頭汗微微心有熱
陷胸湯下悉能除

震戊

汗出復下大便渴渴而舌燥又無眠日晡潮熱從心下
少腹堅來五六天痛滿連臍不可近氣虛腹內更相煎
陷胸湯劑須臾進餌下能教重病痊

震己

脈滑而浮熱尚淺按之心下痛難禁除非小陷胸湯主

此證名為小結胸

震庚

宜汗反將冷水噴劫之其熱腹中傳肉上粟起或煩渴
文蛤五苓散可煎熱先在表旋歸裏裏實寒邪痞結胸
痛鞭中心無熱證陷胸三物有奇功外無熱時陷入裏
陷胸治之猶未止白散飲調與服之結消熱下病即已

震辛

太少之陽併病時頭眩項強亦無期心胸痞結非宜汗

當刺大權肝肺愈

震壬

婦人中風七八日發熱表邪還惡寒經水適來傳裏候
脈遲脇滿破胸間身涼譫語結胸狀邪熱應知血室干
當刺期門泄肝氣更宜消息瀉之安

震癸

寒熱中風發有時經水遂斷竟違期熱入血室渾如瘧
可與柴胡湯主之

高甲

七日發熱微惡寒却教肢節更疼煩雖疑心下猶存結
加桂柴胡和解安

高乙

汗下曾經五六日小便不利渴煩時寒熱往來胸脇滿
柴胡桂枝乾薑湯

高丙

頭汗惡寒為在表心胸鞅滿裏傳推明醫好辨陰陽證

試用柴胡表裏宜

高丁

嘔而發熱小柴胡妄下還防熱結無心下滿時成硬痛
陷胸湯劑與之甦

高戊

蒸蒸發熱辨陰陽不與柴胡可較量但是滿而不痛者
宜煎半夏瀉心湯

高己

熱熱汗出作有時心中痞滿更如斯乾嘔不寒表方解
十棗湯煎治裏宜

禹唐

痞拘心下按之濡脈在關浮熱反虛實熱虛邪須辨識
大黃黃連瀉心除

禹辛

心下痞而復惡寒應從內熱表虛看瀉心湯中加附子
因陽攻痞自能安

禹壬

下之成痞瀉心湯不解其人渴飲漿口燥煩加麥不利
五苓之藥効非常

禹癸

汗解之後胃不和心胸痞鞭噫難磨腹中下利雷鳴響
益胃瀉心薑療瘥

兌甲

反下之人利數行水穀不化腹中鳴滿胸痞鞭加乾嘔

胃弱心煩痞轉增下之益甚非為熱胃中鞭是氣虛膨
正宜甘草瀉心療內補陰虛表亦清

兌乙

心下硬時利不止理中復與證猶添石脂餘糧湯最妙
後利須從小便通

兌丙

汗吐下後猶不解噫氣不徐心下堅痞硬而虛和胃氣
旋復代赭石煎湯

兌丁

下後不可桂枝湯汗出而喘亦同方麻杏甘膏偏主療
除邪有法用之良

兌戊

外證未除數下之教而遂利裏虛為痞鞭表裏俱不解
桂枝人參湯最宜

兌己

汗下惡寒痞膈間桂枝解表最宜先大黃攻痞黃連佐

加入瀉心湯內安

兌庚

汗出傷寒熱弗瘳心中痞鞭裏當求嘔而下利猶兼吐
須用柴胡大者投

兌辛

項頭不痛脈微浮氣上攻心痞鞭憂當吐胸寒寒瓜蒂
能除喘息利咽喉病人脇下素有痞連在臍傍痛引腹
腹痛引入入陰筋此名臟結邪相觸

兌壬

吐下之時表裏煩惡風燥熱口舌乾數升水飲猶然渴
白虎加參膠可安

兌癸

傷寒大熱若無多口燥心煩渴柰何背上惡寒猶有表
人參白虎自當和

坎甲

脈浮發熱身無汗麻黃湯療頗能除渴而欲飲無他證

白虎五苓亦可祛

坎乙

太少陽傳項強時心中痞鞭自難舒慎無妄下詳其證
當刺大權肝肺愈

坎丙

太陽少陽來合病自利黃芩湯主之嘔者黃芩加半夏
生薑湯下治偏宜

坎丁

傷寒有熱在胸中腹痛多緣邪氣攻嘔吐黃連湯可用
陰陽升降始能通

坎戊

傷寒八九日來深風濕頭煩痛怎禁體重不能自轉側
桂枝附子飲宜斟

坎己

大便秘時小便利滲津發汗兩非宜桂枝附子湯去桂
更加白朮效尤奇

坎庚

風濕相搏骨節煩屈伸頻掣苦艱酸甘草附子湯先下
固衛風邪即便寬

坎辛

傷寒之脈浮而滑表熱熱傳在裏寒白虎湯煎除內外
益氣散熱自能安

坎壬

傷寒脈結代而還悸動心中不自寬真氣內虛邪更甚

炙甘草劑便平安

陽明脈病證治法

四十四證

木甲

不吐不下心煩憂胃中鬱熱如蒸油陰陽之氣無偏勝
調胃承氣湯可投

木乙

汗後脈遲不惡寒身重氣短潮熱還大便已鞫腹中滿

大承氣飲下之寬

木丙

惡寒多汗本微燒外未解來熱不潮可與小承調胃氣
通時腹滿病須消

木丁

不轉失氣未可攻腹中燥糞熱難容大便鞭小飲水噦
小承氣飲服之通

木戊

傷寒不便十餘日日晡潮熱發邪言獨語真如見鬼狀
直睛更覺識人難怵惕尋衣微帶喘脈弦者活澁難延
大承氣下追其熱一服利時止後煎

木巳

陽明之病汗何多津液焦枯外泄過譫語小承湯味入
胃中燥鞭亦能知

木庚

陽明譫語熱而潮食反不能燥屎焦便鞭有時能食者

亦宜逐結大承調

木辛

燥屎難容在胃中譫語汗出此為風表虛裏實證昏亂承氣湯煎大者通

木壬

三陽合病要分清汗下還須仔細尋腹滿身重難轉側不仁譫語屬陽明微塵面垢少陽證遺尿乃是太陽經手足逆冷兼自汗除非白虎保安寧

木癸

二陽併病發朝熱手足汗流大便難太陽證罷下之難承氣湯宜大者食

火甲

脈浮而際口中乾腹滿喘熱惡不寒發汗反教生譫語燒針煩躁更無眠下之又恐虛其胃客氣乘虛膈不寬舌上胎生何法治梔子豉湯吐後安

火乙

渴欲飲水口舌乾中焦客熱燥煩添人參白虎湯宜治
潤燥除邪病始痊

火丙

脈浮發熱渴飲漿水便不利客膀胱猪苓湯利下焦熱
用瀉之時必得康

火丁

脈若浮來更帶遲裏寒表熱更何宜下利清穀知寒甚
四逆湯溫用却宜

火戌

陽名病下外有熱手足溫而不結胸心下懊懣饑不食
好將梔子豉湯攻

火巳

病在陽明發熱潮大便溏泄小便調胸脇鞞滿邪猶在
服了柴胡病自消

火庚

脇滿而嘔大便難更看舌上白胎癥柴胡湯主通津液

胃氣因和汗濺然

火辛

脈弦浮大辨陰陽短氣不通脇滿張嗜臥鼻乾不得汗
一身面目悉皆黃溲難潮熱時加噦目後耳前腫刺芒
十日若教浮脈至便當速用小柴湯

火壬

脈但浮時無裏證表邪猶合用麻黃不尿腹滿猶加噦
關格之病入膏肓

火癸

發汗小便自利者津液內竭不可攻自欲大便猶有硬
土瓜猪膽密導通

土甲

陽明病若得遲脈汗出多而微寒未解之時宜發汗汗
桂枝湯下表和安

土乙

脈浮無汗屬陽明表實還教喘不停發汗麻黃湯可用

熱邪解散病安寧

土丙

陽明頭汗身無汗劑頸而還渴飲漿瘵熱發黃溲不利
定當速飼茵陳湯

土丁

證在陽明畜血間雖然尿鞭便非難若教黑色邪傳裏
抵當湯速下之痊

土戊

陽明下後覺心寬初鞭後溲仔細看若果胃中有燥尿
大成氣散下之安

土巳

日晡發熱如瘧狀審看內外更詳之脈實大承氣湯下
脈浮發汗桂枝宜

土庚

下後不便六七日煩熱復滿痛相傳是知燥屎宿食故
可與大承湯劑煎

土辛

小便不利大便難微熱時時喘不眠宿食胃中猶燥結
大承氣劑下之寬

土壬

實穀不受嘔更饒茱萸湯劑始能調服湯愈甚緣何故
當易別方理上焦

土癸

惡寒汗出太陽經渴而發熱屬陽明渴如不止邪傳裏

津液調和用五苓

金甲

跌陽脈濇更兼浮脾約胃強津液留大便難時小便數
麻仁潤燥最相投

金乙

三朝發汗猶不解發熱蒸蒸入胃間調胃承氣湯煎服
胃中邪熱下之安

金丙

傷寒腸脹熱邪招吐後緣知在上焦此是熱邪傳入胃
調胃承氣湯能消

金丁

若吐若下若發汗小便因數大便堅微煩入裏脾約候
小承氣湯病即痊

金戊

傷寒得病六七日大便鞭時小便利裏實心滿可攻之
大承氣湯為要劑

金已

目不了了睛不和微熱便難實更多此是內邪危惡證
大承氣劑急消磨

金庚

陽名證發汗尤多津液將枯可奈何入府之邪攻更急
大承氣劑下之瘥

金辛

發汗不解腹滿痛雅傳入臟急須攻大承氣劑下府熱

潤燥除邪有奇功

金壬

腹滿不減實熱堅若教時減又為寒大滿大實可除下
承氣湯宜大者煎

金癸

少陽合病與陽明脈滑而數宿食瘕少陽勝陽名名負
大承氣劑泄其經

水甲

脈浮而數邪傳裏六七日來大傳傳喜飢消谷并瘀血
抵當湯散即除痊

水乙

傷寒六七日身黃其色渾如橘子囊小便不利腹微滿
便宜速下茵陳湯

水丙

傷寒發熱要消詳瘀在胃中身必黃梔子蘘皮湯可療
除邪解散效非常

水丁

傷寒發熱瘀在裏表濕身黃甚法消赤小豆湯除濕熱
麻黃加入與連翹

少陽脈病證治法

一證

紀甲

未經吐下脈沉緊脇往來寒熱時乾嘔邪傳傳半表裏
柴胡湯劑正相宜

太陰脈病證治法

三證

母甲

太陰之病脈浮時發汗還當用桂枝在表之邪隨汗散
四肢煩痛頗相宜

母乙

自利不渴太陰病中焦寒在裏當溫臟中須識因寒故
用藥之時四逆純

母丙

誤下因成腹痛時桂枝加芍最相宜若教大實當除下
桂枝大黃湯主之

二十三證

天甲

少陰發熱脈何沉其病當宜在表尋邪氣未深微發汗
麻黃附子細辛斟

天乙

少陽得病二三日附子麻黃甘草湯邪未深時無裏證
和榮益衛散之良

天丙

心煩之候更無眠寒極須從變熱看黃連阿膠湯與服
扶陰散熱便能安

天丁

少陰得病口中和其背惡寒問灸科附子湯煎寒可散
陰消陽助起沉疴

天戊

身體疼痛手足寒浮沉細向脈中看脈浮可汗沉寒甚便與溫經附子煎

天巳

病利頻多血與膿桃花湯下有神功下焦不約裏寒甚扶氣散寒益胃中

天庚

少陰腹痛四五日小便不通內結深下利頻頻便膿血

桃花湯效莫沉吟

天辛

少陰吐利病難任手足寒邪厥冷侵煩燥陽爭將欲死茱萸湯可散沉陰

天壬

少陰下利咽喉痛胸滿心煩邪內傳可與猪膚湯散熱調陰益胃自能痊

天癸

二三日病少陰傳咽痛時將甘草煎不愈更尋何法治
選將桔梗妙湯痊

人甲

少陰之病入咽中言語聲難瘡在隴苦酒煎湯頻漱
解煩除熱有神功

人乙

病來相搏少陰中咽痛寒邪客氣冲半夏湯煎頻
服可將此法再旁通

人丙

少陰主水自調和寒不能禁下利多惟有白通湯可用
散寒溫裏病當痊

人丁

乾嘔而煩下利并厥逆無脈要醫明白通湯內加猪膽
暴出脈死微續生

人戊

真武湯煎制水氣少陰證治問元因四肢沉重兼腹痛

小便不通自利頻嘔加生薑除附子下利去芍用薑辛
效者却須收逆氣乾薑五味細辛溫有時小便還通利
便減便苓恐滲津

人巳

手足厥逆利清穀面赤身熱不惡寒陰盛格陽脈微絕
通脈四逆治之安面如赤色加蔥用腹痛除蔥用芍酸
咽痛去芍加桔梗嘔者生薑二兩寬便教利止脈不出
去梗加參亦霍然

人庚

少陰四逆肢不溫有時泄下還腹痛小便不通或劫悸
四逆散煎即可用再加乾薑五味子止效下利主治共
悸者導氣加桂枝小便不利茯苓送腹痛加附用補虛
薤白煮湯療下重

人辛

少陰下利六七日效而乾嘔更無眠心煩口渴知其熱
滲泄猪苓湯治痊

少陰得病二三日口燥咽乾急下之邪未深時熱已甚
大承氣劑用之宜

人癸

少陰自利色純清口燥咽乾蘊熱蒸心下邪乘猶自痛
大承氣劑療之平

地甲

少陰之病六七日腹滿不便速下宜壅甚陽名勝腎水
大承氣劑下之奇

地乙

少陰之病脈沉沈外症未形何處尋四逆湯煎宜急療
溫中即可散邪陰

地丙

欲吐不能手足寒胸中實者吐之寬膈間痰飲成乾嘔
四逆湯溫始得安
厥陰脈病證治法

十九證

乾甲

虺厥其人靜復煩此為胃弱臟中寒虺聞食臭時當吐
溫臟烏梅圓下安

乾乙

脈滑而厥可消詳有熱之時在裏藏白虎湯煎除內熱
手足厥逆灸之良

乾丙

手足厥寒脈細微除非四逆入當歸陽虛陰弱須生助

願得良醫辨病機

乾丁

厥逆其人內久寒散寒始得助陽還當歸四逆辛溫味
加入薑黃病即安

乾戊

大汗出時熱不去四肢拘急痛難當惡寒下利厥而逆
散寒復陽四逆湯

乾己

內外雖分汗下餘陽虛陽勝總無殊因而厥冷無津液
四逆回陽病可除

乾庚

胸中實結滿而煩厥冷雖饑不可餐脈乍緊時邪內陷
須當瓜蒂吐之安

乾辛

厥而心悸水猶停入胃還教下利并欲治厥時先治水
茯苓甘草劑偏靈

乾壬

咽喉不利吐膿血寸脈沈遲手足寒麻黃升麻湯主治
裏虛便泄主尤難

乾癸

傷寒本自寒下者復因吐下更增寒寒格之時食即吐
芩連薑參等分煎

坤甲

下利清穀內有寒身熱不解外增煩汗出而厥何陽虛

通脈四逆湯可食

坤乙

利無津液熱傷氣氣虛後重轉難通腎厚脇難散熱
苦寒主治白頭翁

坤丙

下利腹滿身疼痛裏有寒邪表未通四逆湯煎利可主
身疼更與桂枝湯

坤丁

下利而渴欲飲漿有熱在內要參詳白頭翁湯服之愈
散鬱涼中作主張

坤戊

下利還將讖語并就中燥糞辨分明此為胃實虛陽症
良劑之中選小承

坤己

下痢之後却更煩按而心下亦非堅乘虛客熱胸中滿
梔子豉湯吐即安

坤庚

嘔而脈弱邪傳裏裏若虛時小便多身熱微微還見厥
急煎四逆救沉疴

坤辛

乾嘔之時吐沫涎更煎頭痛上求煎散寒溫裏茱萸劑
治得其方亦可痊

坤壬

嘔而發熱用柴胡此症多由胃氣虛怫鬱諸經并表裏

良醫審視莫模糊

霍亂脈病證治法

六證

霍甲

惡寒而利脈猶微利止須知血已虧四逆加參煎益血
臨時消可施施為

霍乙

頭疼發熱陰陽半欲飲不飲辨機關熱重當煎五苓散

寒多急與理中丸

霍丙

吐利止時內自和身疼猶是表邪多外臺有語汗之愈
當用桂枝湯療瘥

霍丁

發熱惡寒汗出時上吐下利裏虛為四肢拘急厥而冷
四逆湯煎主治之

霍戊

既吐且利小便利脈微欲絕大汗漬內寒外熱恐亡陽
救之速投四逆劑

霍己

吐下之餘津液微汗出而厥如如絲通脈四逆加豬膽
疑陽欲絕好為之
陰陽易勞復脈病證治法

六證

勞甲

陰陽差易病其人少氣強交體重身熱上冲胸頭不舉
陰中小腹急難容拘攣膝脛難舒展兩眼生花亦闇膏
餘薰蒸詳此證燒視散服有奇功

勞乙

大病新瘥又復勞枳實梔子鼓湯熬宿食還加大黃用
或解或下辨之毫

勞丙

瘥後傷寒還發熱小柴胡可去其疴脈浮汗解沈實下

消息合宜無大過

勞丁

傷寒瘥後致脾虛腰下種綠水氣於牡蠣澤瀉散主治

利其小便病能除

勞戊

喜唾應知胃土寒猶疑瘥後有邪干胃間津液須溫潤

咽下埋中丸便寬

勞己

傷寒解後面羸瘦少氣吐而逆氣拘竹葉石膏湯主治

和調胃氣熱方除



普濟方卷一百二十五

總校官候補知府 臣 葉佩蓀

校對官中書臣江 璉

膳錄監生臣龔汝直